

Lišen slobode višestruki izvršilac krivičnih djela

12.06.2019 15:33

Dana, 10.06.2019.godine na području Gradačca, policijski službenici Uprave policije MUP TK-a (PU Gradačac) su lišili slobode E.B., rođen 1996.godine, nastanjen na području općine Gračanica, za kojim je bilo raspisano nekoliko potraga u vezi otuđenja motornih vozila na području Tuzlanskog kantona, Federacije BiH i Republike Srpske.

Izvršenom kriminalističkom obradom nad navedenim licem, od strane policijskih službenika Uprave policije MUP-a TK-a, rasvijetljeno je ukupno sedamnaest (17) krivičnih djela, od čega je 14 krivičnih djela Teška krađa - otuđenja motornih vozila starije proizvodnje („Golf A-2“, „VW Pollo“, „VW Jetta“, „VW Passat A-2“ i „Audi 80“), 2 KD Teška krađa (provale u dva putnička motorna vozila iz kojih su otuđeni USB stik i navigacija) i 1 KD Krađa (otuđenje mobilnog telefona iz kuće). Radi se o krivičnim djelima počinjenim na području Tuzlanskog kantona u posljednja dva mjeseca.

Nakon kriminalističke obrade E.B. je uz Izvještaj predat Kantonalnom tužilaštvu Tuzlanskog kantona na dalje postupanje, zbog postojanja osnova sumnje da je počinio naprijed navedena krivična djela.

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>